

[www.BibleForChildren.org](http://www.BibleForChildren.org)

# Matiu 8



Kët nentepar won sëen Kena kak Kalili yangerak omën namp öng mor mampënëak yaëen Yesu pim ëlöp omën pöpë kaatak wëa. Pël ëen Yesure pim ruurö ten këere imën nënëak tenën yas niia.



Pël eën sē wē wain iit won sēen Yesu pim ēlēpök piin epēl ök yema. "Pitēm wain iit kos sa." Pël maan ēlēpök inēenöröen epēl ök yema. "Omēn nant ēēnēak niaan pöt ēnēm elmēen."



Pël eën Yesu pi inëenöröen epël ök mëëa.  
"Ar i kolak lë mëen peö eëp." Pël maan  
pit kolak wais mëak peö panë ë ulmëa.  
Pël eën Yesu pi epël ök mëëa. "Ar nant  
kap pötëaan lë mëak wak së këere imën  
ngarangkëp meneë."



Pël maan pit kolak lë mäak wak së  
mangkën i yaaptak wain i sa pöten  
kön nawiin ää.



Inëenörö i kolak sē mena pörö pitökëer ewat wēa. Pël  
ëen ngarangkep pi omp öng koirā pöpön ngön mēak  
epël mēēa. "Om narōa yaaul  
wain i ompyaut mangkēn  
omēn pourō nēmpēnaatep  
tol ēēnak ompyaut om  
wiaan wain i pasit wet  
rēak ningkēn nak kep  
ēak wēēnak  
ēnēmak wain i  
misēng wesaut  
ēlēēp ngep ēak  
wakaimaut  
wak yaēn?  
Talēp pël  
yeēa?"



Yesu pim retëng nentere nent ëëpna ngës rëak Kena  
Kalili yangerak pim weëre kosang pet  
elniipënëak retëng pipët  
ëën itenak ten pim ruurö  
weëre kosangö pim naë  
wia pël kön wi kosang  
wesaut.



Yesu pi sē Pita pim kaata kakaati  
iläak itaangkēn pim öng lēlamöp  
yauman koröp es nga kaö nent  
yeem ka ureäa.



Pël ään Yesu pi pim moresi mor moön yauman koröp  
es nga pöt won sëen pi wal äak kaömp ar ë mena.




Wiap kan pötak kätöp yeilaan omän kak pörek wëaurö  
pit omän yauman yaauröere urmerarö pitëm lupötë  
wëaurö pourö pim naë  
wak sa. Pël ëën kak  
pörekörö ka kanrak  
së rongan ëa.



Pël ëën yauman ke nentere nent yaaurö ompyaö mowesak urmerarö selap waö ë momëa. Pël ëak urmerarö pim songönte ëwatörö yak tekeri wesak apanëak nga mëëa.



Pël één omén pourö pit itaangkén weëre kosangö pim  
naëaan sëen ompyaö sëpën seëa pöt itenak pitta  
ompyaö sëpënëak kent één piik morring ngëen  
elmëepënëak ök ëa.



Pël eën Yesuuk pitën ngönën ök yemaan omën  
mor kong nent pöröak omën kosat kël wa  
namp urtak wiak wak së oröa.



Pël äak pim naë mowiipënëak  
omën selap peö äak wëen pomp  
äak kaata ngaarëk is Yesuu  
wëaurek ka möör wak  
omnamp urtaring wes  
mëen irëa.




Pël eën Yesu pitëm kön wi kosang yewesauten itenak omën kosat kël wa pöpön epël ök mëäa. "Nem ruup, ne yok nim saunatë kangut ent ë yanuulak." "Ne epël niamaan kat wi. Ni wal ëäk korumönte wak nim kaatakë së."



Pël mäak Yesu pi wangaöök ilaan pim ruurö pitta tapël  
ëak piiring sa. Pël ëen kent kësang  
nempel möön i kaö maat kësang  
panë möak wangaöök ilaan  
utpet ëak iri i kaöök  
ilapënëak yeëa. Pël  
yaëen Yesu pi om ka  
kun sak wieëa.



Pël maan Yesu pi pitën epël mëëa. "Ar tol ëënak kas yeë? Arim kön wi kosang yewesaut om kot panë wieëan epët." Pël mëak pi kentööre i kaöön nga maan kentö leng ëën kaö maatta won sa. Pël ëën pit yaan sak neneren epël mëëa. "Elei, omën epop ke tolëël namp apen? Puuk kentre kaö maatön nga maan pim ngönte ngaarëk yeöp."



Anutu pi yangerak omnarö lup sant  
elniak pim Ru kopëtap wes nemëen  
irëaut. Pötaanök narö ar neen kön wi  
kosang newasënëerö kö nasëngan,  
wëwë kosangtak öneëerö.



Rom 3:23

Tiar pourö utpet äak Anutu pim ompyaö öpenäak niia pöl  
naön yaaurö.

Rom 6:23

Pöt arim utpetatë inëen yaauta kang pöt wel koirënëet.  
Ën Anutu pim kësangën yaalni pöta këet Yesu Kristook  
yal menak wëwë kosangët koirënëet.

Ipru 9:27

Anutuuk omën pourö akun kopëtet wel wiipenäak niiaurö.  
Pël äak pöta rangk pim naë ngön yaatak orööpenäak niia.



## Epesas 2:8,9

Pöt pi komre kolap yaalniem arim Kristoon kön wi kosang yewesautaan utpetetakaan niwa. Pöt arimtok yok pangk naën äan tapön. Anutuuk yaap elnia. Ar Anutuuk pël elniipënëak ya ompyaö nent namëngkën äaurö. Pötaanök arimtën ing ti wak angan.

## Rom 10:9,10

Arim këmötëaan, "Yesu tenim Aköp," pël ök yeem lupötök Anutuuk Yesu weletakaan wal ë ulmëa pöt kön wi kosang wasënë pöt Anutuuk utpetetakaan kama niöpnaat. Pöt tiarim lupötök Yesuun kön wi kosang yewasën Anutuuk wotpil niwasëpnaat pötaanök.

Këmötök, "Pi tenim Aköp," pël yaan utpetetakaan kama niöpnaat.



## Son 3:16,17

Anutu pi yangerak omnarö lup sant elniak pim Ru kopëtap wes nemëen irëaut. Pötaanök narö ar neen kön wi kosang newasënëerö kö nasëngan, wëwë kosangtak önëerö. Ruup ne ngön ë pet yairauröa yaë pöl elniimëak won, omnarö utpetetakaan kama niömëak Anutuuk wes nemëen irëaut.

## 1 Son 5:11-13

Wëwë kosangta ngön këët Anutu pim ök yenia epët. Pi wëwë kosangët ninaut. Ën wëwë kosangta pep pöp pim Ruup. Omën Ruupë naë rë olëak wë pipop pi wëwëetak wë. Ën namp Anutuu Ruupë naë rë olëak naön yaë pipop pi wëwëetak naön yaë. Ar Anutuu Ruupön kön wi kosang yewas pöröak wëwë kosangtak wë pöten ëwat sënëak ngön epët retëng ë yaningk.



Matiu 8-9; Maak 1-2, 4; Luk 4, 8; Son 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Weri NT (wer) © 1984, Wycliffe Bible Translators, Inc.  
All rights reserved.

<https://live.bible.is/bible/WERWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

